

衛藏圖識

衛藏圖識序

志也者識也識其地

也識大識小均得稱

然聞所聞而筆之于書而

不以見所見者証之論者



將疑其紀事之怪誕所以
有所見異辭所聞異辭所
傳聞又異辭之說也則志
之以有徵而信明矣我

皇上欽定四庫全書包含萬有

凡經史及三通乘志所載
一切搜羅弗遺雖窮邊極
徼亦按籍周知尚何識之
能補於萬一者友人少雲
馬君以自打箭爐至唐古

忒一隅向無刻本成書爰
同梅溪盛君采四川通志
中西域一卷及無名氏西
域紀事西藏志等書刪其
繁者聚其散者整齊其錯
雜者大旨則折衷於

大清會典額曰衛藏圖識裒集

成若干卷以圖作識而所
識則不盡於圖無缺無濫
次第詳明倘所謂識其小

聖朝

者非耶仰惟

一統無外輿圖窅濶亘古
得未曾有余於五十一年
捧檄赴藏管理軍臺糧務
自省至藏幾及萬里往返

於役者四年於衛藏之情
形頗得知其大概未嘗不
欲採訪成帙顧以夷務方
興軍書旁午有志焉而未
逮今少雲梅溪以是書商

定披閱之餘恍如入舊遊
之地者刻下廓番復肆鴟
張

王師

進勦釜底遊魂詰朝漸滅
直易事耳後軍者得是

書而讀之知若者為衛若
者為藏程站遐邇何若道
路險夷何若古今興廢分
合何若羗鬣好尚強弱何
若按圖考識朗若列星舉

所謂人情物產山川風土
胥於是乎得之未始非平
番之一助也卷末載蠻語
一則則楊弁菴丹鉛錄之
遺意土音也方言也一而

已矣異日者大功告歲平
番作頌上以備


聖天

子輶軒之採下以為士大
夫蒐輯之資則是書之作
有關於記載者良不小矣

是為序 昔

乾隆五十七年壬子歲清

和月 江右魯華祝 撰



衛歲國識之輯也始云於馬少
雲揚而盛梅溪輝祖贊其成
揚竊志

大兵 考討逆商軍入其阻雖
天戈 所指無假向途而道里山川

与夫 事蹟風土人蓄物產寓

目斯編胥少得其大凡且不轉
瞬而奏凱業勳必有揚芳
播落垂示無外云

鴻雁者足編異或備一覽焉至絕

祖功隨祖父之任打箭鐘平有一
年見閩較確相共增刪成殊並

証諸羣書釐為五卷圖列於前
不記道里山川也而附以諸路程
詔及番民各圖曰圖考事詳於
後統記風土人情也而冠以源流
考附以樞記曰識畧別為聖德
一卷圖類及一第惠命并部

復有斯君文鸞仇君騰張
君鳳翔系考之也此身登其
地終未敢以自信耳書成述
其崖畧於後以也


藏書圖識



衛藏圖識

例言

一辛亥之秋廓爾喀滋擾藏界



天威震赫

命將陳師自成都以及衛藏軍臺林立其道里山川人

情風土凡萬里從戎者咸欲周知是書其詳載

無遺按前藏曰衛後藏曰藏雖圖識不僅衛藏

要以衛藏為歸因名衛藏圖識以備考覽

一西域一隅迄未內附自我

朝聲教四訖得隸版圖者已百有餘年考四川通志
舊已列有西域一卷是書悉宗所載並非臆撰
一舊有西藏志及西域紀事二書不知作自誰氏
規模粗具紀載亦詳惜叙次倒置且向無刊本
傳抄日久訛以滋訛覽者惘焉茲集多徵引之
特為表出未敢泯前人之善

山川道里皆行役者所必經風土人情亦省方
者所必重茲於某處至某處止分繪一圖隨圖
記程至山川事蹟別為識畧以詳載之不敢稍
有罣漏貽識者譏

一 是書邊幅隘小原取行篋中便於攜帶故自爐
以外凡邊僻地方以及頭人姓名俱不備錄僅
於程站後繪番民各圖以存其概

一 是書所繪之圖至聶拉木而止蓋以爐裡巴察
拉五臺本進歲要道而聶拉木界連廓匪亦

王師擒渠掃穴之所必經行也此外程站不一畧誌梗概以省卷帙之繁

一未附蠻語一卷皆詢諸習至西藏通達其言者詳加分類譯載

一是書所集祇取記載詳明俾遣軍者便於檢閱故先括總叙於圖前隨列程站於圖後凡非道里所經不及細載末復輯識畧蠻語三卷聊以備考未敢妄附志書之例覽者諒之

一是書成於西征之役

工師所向威無不克曾不崇朝而大功告成當有平番紀畧續刊以附此書之後

一是一是書輯自辛亥暮冬匝月付梓首宗

大清會典次及羣書復博徵聞見第恐採擇未精尚竢大雅君子幸而教之

衛藏圖識

目錄

圖考上下卷

總叙八

道里圖八

程站八 諸路程站附

番民種類圖

識畧上下卷

宸翰

源流考

疆域圖

封爵 朝貢

紀年 歲節

兵制 刑法 賦役 徵調 頭目

衣冠 飲食 禮儀 婚姻 喪葬 房舍

醫藥 卜筮

市肆 工匠

山川

寺廟

物產

摭記

蠻語一卷

衛藏圖識

圖考上卷

成都禹貢梁州之域井鬼兮野其控制西域若
高屋之建瓴焉而打箭爐乃中外扼塞其極西
則為衛藏打箭爐以東雖險阻百折頽地猶中
土人物風俗習見周知無煩博引僅列圖并識
其道里所經而已



聖出
市

成都縣至雙流縣尖

雙流縣至新津縣宿

成都北走秦鳳東下荆襄南通六詔西拒吐蕃

由錦城南門五里過萬里橋即武侯送敬十五

里過簇橋即今之蠶市十里過金花橋十里至

雙流縣漢廣都地出南門五里過南林舖十里過黃

水河河自温江縣南流四十里十里過串頭舖

新津縣境十五里過花橋子十里至新津縣漢武計

程九十里驛程平坦沃野袤延萬里之行發軔於此

新津縣至斜江河尖

斜江河至邛州宿

新津出南門五里過太平場五里過鐵溪橋有

鐵溪河昔武侯烹鐵於此二十里至斜江河源出大邑縣鶴鳴山東委曲斜

流因名邛州境十五里過高橋舖二十里過聖花堡十

五里過天官橋十里至邛州漢臨邛地即司馬長卿過卓文君處

州城南街有文君井計程九十里路亦平坦過此則漸歷

崎嶇矣

邛州至大塘舖尖

大塘舖至白站宿

邛州出南門過南河大渡水即邛由大通街上小

坡十里過十里橋十里過臥龍場十里過乾溪

舖蒲江境十里至大塘舖十里過萬工坡明洪武間藍玉

收雲南鑿石開道費工萬餘故名二十里過吊枋舖五里過墨

竹關八里過何家坪縣境七里至白站即百丈驛記名

白站有唐百丈縣故址計程九十里

白站至名山縣尖

名山縣至雅安縣宿

白站十五里過洗馬池十里過白土坎石頭漫坡路

十五里過和尚腦十里至名山縣十五里過金

雞關小岡上建關帝廟十五里過桐子林由桐子林渡

平羌江以武侯平羌十里至雅安縣漢嚴道計縣地

程九十里

雅安縣至觀音鋪尖

觀音鋪至榮經縣宿

雅安縣出南門五里上嚴道山原名鹿角山唐元宗改今名

五里過對崖十里過風木埡十里過八步石十

五里至觀音鋪在山溪之間十里過飛龍關頂上

有古刹名龍興寺下山十五里過麻柳灣榮經縣境十里由

廟上過七縱河源發瓦屋山武侯初擒孟獲處十里至榮經縣

亦漢嚴道縣地計程九十里十一

榮經縣至小關山尖

小關山至清溪縣宿

榮經縣出南門十里過磨刀溪十里由箐口站

順溝而進過大通橋十里過安樂壩清溪縣境十里

過黃泥舖上山十里至小關山由溪內行林木

障翳山谷陰森晴少雨多雲霧常作堯羅綿現

沿溝直上偈仄難行十五里過大關山下岡五

里過板房直沿溝而上十五里過長老坪即相嶺武

侯曾屯兵於此故名冬春雪盛險滑行旅戒焉十五里下

山過二十四盤即印笮山五里過羊圈門五里

至清溪縣昔為沈黎郡其地風大每日夕時狂

狀然居人習之勿異也此路之所由南門即建昌路此地計程一百十里

清溪縣至富庄尖丁

富庄至泥頭宿

清溪縣出西門下坡過溝復折上山十里過冷

飯溝十五里過四埡口五里至富庄俗名蠻庄三十

里過陡溜子二十里至泥頭驛清溪尉駐此計程八

十里自過清溪後鳥道羊腸日益加險而蠻煙

瘴雨亦漸繪邊徼之景矣

泥頭驛至林口尖

林口至化林坪宿

泥頭走山溝中由老君劍水急如劍故名其地有獾獾乃昔羌人也

十五里過高橋上三角坪二十里至林口復下

溝紆折登坡十五里經伏龍寺十里上飛越嶺

唐置飛越縣於山麓旋廢山勢陡峻怪石嶮巖逼人面起終

年積霜雪懶雲下垂山足行旅如在層霄此內

地第一險阻也山頂有隘過隘即下山十五里

陡坡無駐足處至化林坪沈邊土司屬山頂有一海廣不過三里居

民皆飲之計程七十五里山

化林坪至冷磧尖一

冷磧至爐定橋宿

化林坪峻嶺臨江斜盤鳥道下山二十里過龍

壩鋪此有伊公溝水統右走沈村現今沈邊土官余國璽住牧處

左過小河十里至冷磧現今冷邊土官二十里

過瓦角十里過安樂村十五里至爐定橋設巡司

員地稍溫暖河即瀘水有鐵索橋康熙四十年建東西長三

十一丈一尺寬九尺施水頗險惡特橋為利濟

馬計程七十五里

爐定橋至大烹壩尖

大烹壩至頭道水宿

爐定橋十五里過大岡塘五里過咱哩現今土官古應

洪住五里由黃草坪過小烹壩十里至大烹壩

復上小坡十里過冷竹關下海曲折十五里過

瓦斯溝十里至頭道水高崖夾峙一水中流居

民皆住山麓水聲砰訇如雷霆巖後有瀑布天

矯噴礫亦一大觀計程七十里一

頭道水至柳楊尖

柳楊至打箭爐宿

頭道水五里過日地塘二十五里至柳楊一路
深溝柳陰密筍日十五里過沈坑十五里抵打箭
爐計程六十里

自成都至打箭爐共計程九百二十里

衛藏圖識



圖考上卷

打箭爐相傳漢武侯南征遣將郭達安爐造箭
之地距省千里天文亦井鬼分野為中華之極
西西域之極東天時多寒少暑層巒峻嶺峭壁
懸崖中隔瀘河勢最險要昔為南詔地向隸青
海部落明永樂五年土目阿旺堅叅以隨征明
玉珎功授為明正長河西魚通寧遠軍民宣慰

使司世職然當時第羈縻勿絕而已至

國朝聲教洋溢向化益誠於康熙三十九年被藏差
營官昌側集烈等戕害竊據四川提督唐希順
統兵進剿誅昌側集烈等直抵打箭爐而安撫
馬番民率衆歡呼跪迎歸附已故土司錫拉札
克巴之嗣其妻哀噶通志作喀承襲至堅叅德昌
始移駐打箭爐其子甲勒叅德浸繼之現今之
明正土司也管轄打箭爐十三鍋庄番民約束

新附土司及土千百戶計新舊土民二萬八千
八百八十四戶上納貢馬雜糧歲折銀歸明正
土司征解之打箭爐以石為城漢番雜處凡駐
藏使臣及換藏兵丁均於此出口自爐以往多
重茶悉由內地負販而爐又為市茶總匯現設
郡丞一員以理夷情兼司糧務向有監督權稅
課今汰之並歸郡丞其地民人雖崇信浮屠規
規小利然結以信義而竭誠效順之心雖死不



打箭爐

打箭爐至折多宿

打箭爐出南門十里過工竹卡

凡差使至此始照口外例支應

平坡逶迤四十里至折多山麓有塘舖有旅舍

崇岡在望峽嶽逼人自此出口一攬山川之勝

第蠻荒冰雪中常使人心懾耳計程五十里

折多至提茹尖

提茹至阿娘堪宿

折多過山山雖長不甚峻產大黃藥氣薰蒸過

者多氣喘秋冬積雪瀰漫三十里過破碣行漫
坡亂石中二十里至提茹有塘舖二十里過納
哇路不甚阻下山南行十五里至阿娘坵土產
饒多地方儼有富庶之象計程八十五里

阿娘壩至瓦切尖

瓦切至東俄落宿

阿娘壩行三十里道路平坦至瓦切過俄松多
槁經小營官寨子復歸大路行十五里過打納

石有土人數十家有些柴草十里至東俄落有塘
舖計程五十五里

東俄落至高日寺尖

高日寺至卧龍石宿

東俄落南行過大雪山二深林密箐矗如玉立
人跡罕逢三十里至高日寺循海子而南三十
里穿大松林下山十五里至卧龍石有旅店有
塘舖計程七十五里

卧龍石至八角樓尖

八角樓至中渡宿

卧龍石西行一路平行荒涼特甚六十里至八

角樓有塘舖間有旅店然廢置無常再行六十

里至中渡

即河口過河為裡塘界

所謂雅龍江也設外委

一員兼司渡船夏秋以舟渡冬春則列船為浮

橋濟行旅蠻人以牛皮船渡逐浪上下望之如

水中鳧凡官差過此在河東宿者明正土司供

役過河西宿者裡塘土官供役計程一百二十

里

中渡至剪子灣尖

剪子灣至西俄落宿

中渡過河上山行三十五里過麻蓋中有碓房

有柴草

按此站路甚遠險難行且多夾壩行者或宿麻蓋中以均途程且戒備馬然必

人少始可多則不能容矣

四十里上大雪山至剪子灣有塘

舖山頗陡險亦有瘴氣下山復盤折登山四十

里過波浪工汛設有駐防塘舖以防夾壩十里
下山又十里至西俄落設有塘舖及土百戶供
給差役有柴草換烏拉有漢人客舍可宿計程
一百三十五里

西俄落至咱馬拉洞尖

咱馬拉洞至火竹卡宿

西俄落路經小山進溝過大雪山下坡共行四
十里至咱馬拉洞林深谷邃夾壩甚夥有塘舖
二十里至蠻卡復越小山下灣名亂石窖再折
而上小岡順山溝而下行三十里復過大山二
十里至火竹卡有人戶柴草設有駐防塘舖計
程一百十里

火竹卡至火燒坡尖

火燒坡至裡塘宿

火竹卡過小橋沿河紆折登小山二十五里至
火燒坡下坡即平原二十五里抵裡塘有駐防

塘舖換烏拉有市廛番漢雜處二百餘家計程
五十里

自打箭爐至裡塘六百八十里

衛藏圖識

圖考上卷

裡塘在打箭爐之西六百餘里天寒多雨雪昔
亦青海部落層巒疊嶂道路迂迴為西藏要地
有土城設糧務一員俗信喇嘛有掌管苗教之
大喇嘛曰堪布為一方崇祀之尊立僧俗管官
各一董率事宜康熙四十七年達賴喇嘛降生
擦嗎中自遷住西寧塔兒寺後時西藏地方已

被準噶爾澤旺阿喇布坦遣車零敦多布佔踞
康熙五十七年護軍統領溫普及滿漢官兵由
打箭爐出口渡雅龍江直抵裡塘宣諭

聖朝德威裡塘人心綏定預貯倉庫錢糧待

大兵西進次年定西將軍噶爾弼駐兵於爐前鋒
都統先帶兵進藏道經裡塘比時青海差達哇
朗章巴等陰謀把持裡塘營官遂有違意官兵
計誘達哇朗章巴及營官二名至營誅之並革

去堪布喇嘛該地番人咸凜軍威各舉素所誠
服者議立堪布一名復設營官以分治其事雍
正七年頒給僧俗營官印信俗營官安本授為
宣撫司僧營官康卻江錯授為副土司乾隆十
年以明正土司屬土守備汪結隨剿瞻對有功
奏補正土司又因剿金酋時土舍汪爾結首先
納款充補額外副土司凡正副土司均照流官
例不世襲輸誠納貢供給徭役現今裡塘正土

司業巴札什宣撫土司阿卻錯氏副土司阿鄂
策成業巴彭錯供其職而附近裡塘崇喜毛了
毛茂了曲登四土官亦當時迎師嚮化之酋長
今之四瓦迷是矣

